

无上秘要卷之二十四

猶四

三寶品

天寶君者則大洞之尊神天寶丈人則天寶君之祖炁大人是混洞太无无上玉皇之炁九萬九千九百九十億萬炁後至龍漢元年化生天寶君出書時號高上大有玉清宮

靈寶君者則洞玄之尊神靈寶丈人則靈寶君之祖炁大人是赤混太无无上玉虛之炁九萬九千九百九十萬萬炁後至龍漢開闢化生靈寶君經一劫至赤明元年出書度人時號上清玄都玉京七寶紫微宮

神寶君者則洞神之尊神神寶丈人則神寶君之祖炁大人是冥寂玄通无上玉虛之炁九萬九千九百九十萬萬炁後至赤明元年化生神寶君經二劫至上皇元年出書時號三皇洞神太清太極宮此之三號雖年殊號異本同一也分為玄元始三炁而治三寶皆三炁之尊神

右出洞玄九天經

夫三寶者一曰道寶二曰太上經寶三曰法

師寶

又云三尊者一曰道尊二曰太上經尊三曰法師尊

右出洞玄諸問經

夫我有三寶保而持之一曰慈二曰儉三曰不敢為天下先夫慈故能勇儉故能廣不敢為天下先故能成器長今捨慈且勇捨儉且廣捨後且先死矣夫慈以戰則勝以守則固天將救之以慈衛之

右出老子德經

真文品

元始天尊時與五老上帝十方大聖眾无極至真諸君大人於赤明世界栢陵舍坐香園之中長桑之下天尊迴駕諸天降席是時雲霧鬱勃四景冥合三日三夜玄陰不解天地无光有如龍漢之前幽幽冥冥五老上帝前進作禮上白天尊今日侍坐所未嘗經天尊出遊則諸天傾駕上帝高真神仙玉女日月星宿璇璣玉衡三界官屬五嶽神仙河海水帶一切神靈莫不振肅侍衛天真天朗炁清

風不搖條地無飛塵河海靜默山嶽藏煙時和氣定生死同歡閉天光明白日晝陰天人惶怖不審何故所緣如是願垂告誨令眾見明鏡益一切普得安全

天尊告曰今日同座歡樂難遇諸天發瑞靈應自然玉宇煥爛障蔽天光未通之始致始書宮日慶時合希所嘗有今當普為四眾開天妙瑞度一切人咸令四座閉眼伏地於是大聖眾同時閉眼伏地聽命俄頃之間天炁朗除冥闇豁消五色光明洞徹五方忽有天書字方一丈自然而見空玄之上五色光中文彩煥爛八角垂芒精光亂眼不可得看

天尊普問四座大衆靈書八會字無正形其趣宛奧難可尋詳天既降應妙道宜明使可法筆解其正音使皇道既暢澤被十方

天真皇人稽首作禮上白

天尊曰隨運生死展轉億劫屢經侍座未有今日遭值聖道開諸法門見天書自然至真斯八會之炁合五和之音非愚情短思所能洞明今既廁座次仰觀玄妙被命狼狽不敢

藏情逆用極惶若無神守輒竭所見解注其音莫萬有一合開示來生不及之體惟家曲懸於是按筆太真拂筵玉女執巾金童揚香月宮散花日精灌津五老監試三界衛真天真皇人曰天書玉字凝飛玄之炁以成靈

文合八會以成音和五合而成章大運啓期琳琅自生神炁虛奏韶響洞鳴煥于諸天之上朗曜太幽之中與龍漢而俱化披赤明於延康鍊水火於生死歷億劫而長存開八坦於幽細植靈光於太陽二儀待之以判三景持之以分上聖乘之以无五嶽實之以靈一切得之以炁國祚享之以安落落大範巍巍高尊有中生无為天地之根得之者不死奉之者長存實之者真降修之者神仙度死骸於長夜鍊生魂於朱宮妙化之文出於自然高秀太虛萬帝之宗感靈恢廓難可名焉天真皇人曰大梵隱語无量之音天有飛玄自然之炁合和五音以成天中无量洞章上演諸天之玄奧讚大有之開明中理自然之炁音度學仙之人下度生死之命拔出長夜

之寬元始妙法德劫長存其音既朗其道行焉大法開明諸天稱慶无極大聖眾至真諸君大人五老上帝十方尊神神仙玉女一時行香旋行三市而作頌曰

天尊迴玉駕 降席香園中 至真大聖眾

无極天中王 神仙導日月 辯辯披雲宮

五帝翼華輦 三界備十方 日慶眾真座

歡樂難為雙 妙會自然感 靈瑞發空洞

煥爛啓幽期 障蔽日月光 玄陰不解夜

四眾並虔恭 靈運自應圖 倏歛朗太空

靈書八會字 五音合成章 天真解妙韻

琅琅大有通 玉音難為譬 普成天地功

上植諸天根 落落神仙宗 中演玄洞府

坦然八幽房 開度生死命 拔出長夜公

地獄五苦解 刀山不生鋒 五道无對鬼

億劫並少童 堂堂大乘化 一切不偏功

天尊開大有 落落諸天明 妙哉龍漢道

八會結成形 煥爛飛空內 流光三界庇

神圖啓靈會 玉書應景生 天真通妙趣

五和合成經 琅琅玉音響 飄飄羣上清

開度无終劫 九幽受光明 巍巍大法門 教導一切生 斯功不可勝 歡樂慶萬齡 是時惠澤普流恩被十方信向不死皆得長 年老者還少病者即康枯骨生炁死竟還人 五苦咸解地獄牽開預以有心皆得神仙

天尊告四眾至真今日同座一劫之中開天靈真自然玉書度一切人其福弘普廣益眾生大法既陶恩无不无極世界皆受光明九幽開宵長夜救寔生者歡樂死者蒙還諸天人氏宿對種親是男是女善惡命根无始以來至于今生死展轉殃對相牽天地成敗功過難明今一依大宥普告諸天日月星宿璇璣玉衡南斗北斗司命司殺韓君主錄南昌土官諸地諸水五嶽靈山三官九署十二河源長夜之府九幽之中四司五帝一切神靈探算錄籍推校本原无善无惡輕重之根生死有別條名列言一切剷除斷絕因緣普同一度以今為新令此一切成得道真大福所普勿使有偏天尊有命諸天敬從於是四眾同起作禮舉手指上俛手指下无上无

下无極无窮无深无遠无幽无隱无大无小  
无數无終一切普度同受光明彈指告衆一  
切咸聞是時四衆同時抗手仰天稽首三十  
二天日月星宿一時俱明地下九幽无極之  
底光景洞徹无復闇冥幽隱普見地藏靈形  
山川溪澗一等緬平冬華結實枯樹發榮慶  
加一切功載衆生魚龍湧躍鳥獸欣鳴靈歌  
交會路无悲聲天靜地默三宮潜寧簡對休  
息五道不生人神歡泰聖道太平

右出洞玄諸天内音經

元始洞玄寶赤書五篇真文生於元始之  
先空洞之中天地未根日月未光幽冥冥  
无祖无宗靈文晦曖乍存乍亡二儀待之以  
分太陽待之以明靈圖革運玄象推遷乘機  
應會於是存焉天地得之而分判三景得之  
以發光靈文鬱秀洞映上清發乎始青之天  
而色無定方文勢曲折不可尋詳元始鍊於  
洞陽之館治於流火之庭鮮其正文瑩發光  
芒洞陽氣赤故號赤書靈圖既煥萬帝朝真  
飛空步虛旋行上宮燒香散花口誦靈章是

時天降十二玄瑞地發二十四應上慶九天  
之靈典讚三天之寶明神風既鼓皇道咸暢  
元始登命太真接筆玉妃拂筵鑄金為簡刻  
書玉篇五老掌錄秘於九天靈都之宮玉女  
典香太華執巾玉童侍衛玉陛朝軒九天上

書非鬼神所聞天寶之以致浮地秘之以致  
安五帝掌之以得鎮三光乘之以高明上聖  
奉之以致真五嶽從之以得靈天子得之以  
致治國祚享之以太平實靈文之妙德標天  
地之玄根威靈恢廓普加无窮蕩蕩大化爲  
神明之宗其量莫測巍巍乎太空

東方九炁青天真文

東方九炁始皇青天真文  
校圖錄攝悉舉仙

右二十四字主召九天上帝校神仙圖錄學  
仙道士常以本命甲子立春之日青書二十  
四字於白刺上記姓名年月於刺下投靈山  
之嶽九年仙官到身得飛仙

歲星輔肝角亢鎮真武房心尾四景迴旋箕  
主七辰正斗明輪承炁捕非掃除災羣

右三十二字主召天宿星官正天分度諧以  
東方星宿越錯朱書三十二字於青紙上露  
於中庭九日九夜夕夕依法別呪訖以火燒  
文散反於青煙之中并刻書三十二字於青  
石上埋東方天災自消星宿復位

東山神呪攝召九天赤書符命制會鄧山東  
魔送鬼所誅无蠲悉詣木宮敢有稽延

右三十二字主攝鬼魔正九天炁行此法朱  
書青木刺上以文向東北而依別呪文三呪  
鬼自束形萬妖自滅精心行之

下制東河濱海水神大劫洪災蛟龍負身水  
府開道通徑百千上帝赤文風火无間

右三十二字攝東海水帝大劫天災之數召  
蛟龍及水神事遇水災及欲度大水皆黃書  
三十二字於青紙上依別呪以投水中身自  
得過蛟龍負難河伯奉迎水下可行

南方三炁丹天真文  
南方丹天赤帝玉堂中有大神號曰赤皇上

炎流煙三炁勃光神仙受命應運太陽  
右三十二字主九天神仙圖錄宿名學仙道

士常以本命甲子立夏之日朱書三十二字於白刺上記姓名年月於刺下投靈山之嶽九年仙官到身得飛仙

從感輔心井鬼守房柳星張翼抗御四鄉軫總七宿迴轉天常召運促會正道驛行

右三十二字主召星官正天分度諸以南方星宿越錯有諸災異當朱書青紙上露於中庭三日三夜夕夕依別咒訖刻書三十二字於赤石上埋南方天災自消星宿復位

赤文命靈北攝鄴山東送魔宗斬滅邪根符教所討明列罪原南山神呪威伏八方羣妖滅萬萬試推亡

右四十字主制北野正鬼氣行以此法黃書赤木刺上以文向東北而依咒文三行此法鬼精自滅萬魔東形宜精心行之

南河水帝太伯龍王神呪流行普掃不祥洪水飛天上召蛟龍開除水運千道萬通敢有干試攝送火宮赤書所告莫有不從

右四十八字主南海水帝大運定期洪水四出召蛟龍水神事過此災及度大水皆黃書四

十八字於青紙上依別咒以投水中身自得過水官奉迎

中央黃天真文中央總靈黃上天元始生五老中皇高尊攝悉監真總領羣仙典錄玄圖宿簡玉文推運

促悉普告萬神右四十字主神仙玉簡宿名總歸仙氣學仙道士常以本命甲子春分夏至秋分冬至之日黃書四十字於白刺上記姓名年月於刺下投靈山之嶽九年仙官到身得神仙

鎮星輔脾徊度北元魁魁主非截邪斬根難隨野隨掃穢除氛魁正玄斗明度天關九天符命金馬驛傳

右四十字主攝星官正天度數諸以中央星宿越錯生諸災異當以朱書四十字於青紙上露於中庭十二日十二夜夕夕向玉依別咒法訖以火燒文散之於青煙之中并刻書四十字於黃石上埋中央天災自消星宿復位

勅攝北帝過塞鬼門剪除不祥莫有當前

右十六字主攝北帝正天悉檢鬼精行此法白書十六字於黃木刺上以文向東北而依別咒文三行此法鬼精自滅天魔東形宜精心行之

中山神呪召龍上雲制會黃河九水河源不得怠縱善惡悉分千妖萬姦上對帝君莫有干試太陽激焚赤書玉字宣告普聞

右四十八字主攝中海水帝四泉之水洪災涌溢之數召水神止蛟龍事如遇洪水之災及度大水皆黃書四十八字於青紙上依法別咒投水中身自得過水官奉迎

西方素天白帝七門金靈暗映太華流氛白石栽栽七炁氤氳上有始生皇老大神總領肺杰主校九天檢定圖錄制召上仙

右四十八字主召仙炁學仙道士常以本命甲子立秋之日書四十八字於刺上記姓名年月於刺下投靈山之嶽九年仙官到身得神仙

太白檢肺奎婁守寬胃昂畢觜主制七關參

總斗魁受符北元

右二十四字主白帝星官正明天度諸以西  
方星宿越錯有諸災異當以朱書青紙上露  
於中庭七日夜夕夕向西方依別呪法訖  
以火燒之散灰於青煙之中并刻書二十四

字於白石上埋西方天災自消星宿復位

赤書玉字九天正文攝召萬炁普歸帝君

右十六字攝六天鬼炁行此法墨書十六字  
於白木上以文向東北而依別呪文七過行  
之鬼精自滅萬魔束形宜精心行之

西山神呪八威七傳符水上龍召山送雲在

此校錄同到帝門輔衛上真斬滅邪源若有  
不祥截以金關赤書符命風火驛傳

右四十八字主攝西海水帝及水中萬精名

雲龍以防水災欲知水中精物及洪水彌天

欲度此災皆黃書四十八字於青紙上依別

呪法投文中知水中萬精形象蛟龍負身

以度水災水官奉迎

北方五炁玄天真文

北方玄天五炁徘徊中有黑帝雙皇太微總

領符命仙鍊八威青裙羽褊龍文鳳衣上帝  
所舉制到玉階

右四十字主諸真人神仙圖籙學仙道士常  
以本命甲子立冬之日黑書四十字白刺上  
記姓名年月於刺下投靈山之嶽五年仙官

到名上仙籍

北辰輔腎斗牛衛羸女虛危室豁落四開壁

總七星執凶糾非却災掃穢明道洞輝

右三十二字主北方星官正天炁諸以北方  
星宿越度有諸災異當以朱書三十二字於

青紙上露於中庭五日夜夕夕向北方依

別呪法訖以火燒文散灰於青煙之中并刻  
書三十二字於黑石上埋北方天災自消星

宿復位

北山神呪激陽起雷流鈴煥落覆天振威北

鄧所部萬妖滅摧

右二十四字主攝天魔北帝萬鬼事行此法

青書二十四字於黑木刺上以文向東北而

依別呪文五過行之鬼精滅形宜精心行之

九河傾訖鳥母羣飛蛟龍通道水陌洞開赤

文玉書驛龍風馳

右二十四字主北海水帝制水中萬精召蛟  
龍以負身欲度大水洪災及遇水難知水中  
萬物黃書二十四字於青紙上依別呪文投  
水中立知水中萬精物像身得度水災蛟龍

開水道水官出迎

右出洞玄赤書經

迴天九霄白簡青籙上聖帝君受於九空結  
飛玄紫炁自然之字玄紀後學得道之名靈  
音韻合玉朗稟真或以字體或以隱音上下

四會皆表玄名空生刻書廣靈之堂舊文有

十萬五言字无正類韻无正音自非上聖莫  
能意通積七千年後題崑崙之室北洞之源

字方一文蔚煥爛四會垂芒虛生瞻覽若

存若亡流光紫炁拂其穢金精治鍊鑿其文

遷經累劫字體鮮明至中皇元年九月七日

七聖齊靈清齋其官青金盟天跪誓告虔奉

受靈文高上解其曲滯七聖通其妙音記為

迴天九霄得道之篇刻以白銀之簡結以飛

青之文藏於雲錦之囊封以啓命之章付於

五老仙都左公掌錄瓊宮

太上曰總三寶為奇文結三炁為高章其妙不可測高不可攀深不可極巍巍微哉斯五篇之德矣子能勤思則白日昇天不死之道極於靈文也

右出洞真七聖元紀

天瑞品

元始開圖上告十二靈瑞

一者是時无天无地幽幽冥靈文閣萬无有祖宗運推自來為萬炁之根空洞結真炁清高澄成天廣覆倏歛自玄

二者是時二象分儀炁流下凝開張厚載一時成形

三者是時三萬六千日月一時同明照耀諸天无幽不徹

四者是時上聖大神妙行真人无執數象朝禮玉庭旋行太空讚誦靈文

五者天發自然效樂百千萬種一時同作激朗雲宮上慶神真

六者靈風百誅空生十方宮商相和皆成洞

章

七者瓊璣停關星宿不行天元晝夜四運齊

晨

八者紫雲吐暉流灑諸天一切萬物普受光明

明

九者春秋冬夏不暑不冰四炁柔和枯朽皆生

生

十者五鎮安立符圖經文一時開張表見玄

赦无窮

十一是時玄下七寶神奇以散諸地資生

兆民

十二者七寶奇林一時空生光明垂蔭彌覆

十天

右出洞玄赤書經

地應品

赤書真文地發二十四應上慶神真

一者是時天元混沌未有光明晨雞啓旦四

景玄清天朗地張成生五行

二者三萬六千日月於上下同明元向幽夜

照耀无窮

三者青鳥銜書以告五帝正天分度

四者白虎吐金安鎮五靈

五者青龍捧符以告水帝制會促運江海開張

六者瓊鳳銜璽以獻帝王安國保祚五鎮長

存

七者鸞嘯鳳唱飛鳴鬯鬯

八者羣鳥翔舞飛欣天端

九者蛟龍踊躍鼓洋淵澤

十者河水停流魚鱗交會

十一者甘露自生芝莖滂沱

十二者冬不冰霜枯木並榮

十三者林木稼冬夏生華結實繁茂無有凋傷

十四者四炁調和災疫不行天人悅慶無有

天年

十五者毒螫閉齒不生害心

十六者師子猛獸依人為隣

十七者天下男女盲聾跛病一時復形无有

傷疾皆得康強

十八者老年反少年不老華容偉貌精采尤明

十九者鳥獸六畜懷胎含孕已生未生皆得生育无有折傷

二十者婦人懷孕普天生男

二十一者地藏發泄金玉露形散滿道路无有幽隱

二十二者天震地裂枯骨更生沉尸飛魂普起成人天下歌唱欣國太平

二十三者地生蓮華天人稱慶莫不欣欣

二十四者五嶽洞開符經並出教導天人是時學者莫不飛仙

其十二靈瑞二十四應上讚元始之靈圖欣

五老之開明靈文既振道乃行焉天地開張正法興隆神風颺著萬无揚滓五帝輔翼

策天仙御役神官運導陰陽固三景於玄根保天地以長存鎮五嶽於靈館制劫運於三

關建國祚以應圖導五炁以育民敷弘天元普救十方威靈恢廓无幽不聞神奇靈難

可稱焉

右出洞玄赤書經

无上秘要卷之二十四



无上秘要卷之二十五

猶五

三皇要用品

天皇文曰所以為乾淳陽之精日月垂光二十八星有知此文與吾共并第一之要先求長生第二之要當求藏形第三之要當避世

祭解此三要道乃成長生以得游於華嶽藏身以訖天食其祿棄祭去祿天致金玉若欲

去求入深山者當語乾皇內經必當相成

黃帝曰地皇文者乃生萬物無所不有家有此文富貴之首求仙行約此是其毋千變萬

化皆地所受包含穢匿能為主

黃帝曰人皇文者皆知死生之錄識百鬼之名記萬神姓名三皇天文大字

黃帝得神圖天文字以知九天名山川靈之字若能按文致諸神者可以長生可令召司

命削死籍必為人除之然後修道求術必得神仙矣若欲求昇仙皆當絕陰陽乃可求見

玉女不能求昇仙不能絕陰陽者但可召致素女以自匡輔徊旋雷琴鬢有人形像當聞

琴樂之音即為是也自是之後必享延壽三